



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 125. Regni administratio a Regina Francisci II. Matre, & Guisiis vindicata.

---

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

venilis adhuc dum ætatis, atque adversæ **Sæcul XVI.**  
 valetudinis esset, & præsertim ingenii **A. C. 1559.**  
 sui acies arctissimis sane limitibus cir-  
 cumscripta, & non minus corpore quam  
 mente imbecillis existeret, hinc decre-  
 tum fuit, ut eidem Senatus ex ejus-  
 modi Viris, qui ejus nomine rerum  
 summæ præesse possent, compositus ad-  
 jungeretur: verum circa selectum Aula  
 in duas factiones scindebatur; quippe  
 tam Guisii, quam Montmorentii ferme  
 eadem potentia, & auctoritate sub priori  
 regimine valebant: quinimo vix mor-  
 tuo Henrico Rege adhuc tertia prodibat  
 factio, cujus caput erat Antonius Bor-  
 bonius, qui Joannæ Albretæ desponsa-  
 tus in Navarræ Regem salutabatur, ei-  
 que accesserat Ludovicus Condeus ejus-  
 dem frater, qui tamen ambo post Bor-  
 bonii Connestabilis rebellionem in Fran-  
 ciæ aula omni destituebantur auctori-  
 tate: quapropter præsentis rerum vicissi-  
 tudine uti decernebant, ut ad digni-  
 tates suo generi congruas rursus ascen-  
 dere valerent.

## §. CXXV.

*Regni administratio a Regina Fran-  
 cisci II. Matre, & Guisii  
 vindicata.*

Equidem clandestinas artes, quibus  
 quælibet factio alteri prævalere sa-  
 tage-



Sæc. XVI. tagebat, sigillatim referre, supervaca-  
 A.C. 1559. neum censemus: sufficit enim paucis  
 exponere, quod Catharina Medicæa  
 Regina, ac Francisci Regis Mater in  
 Regio Senatu primas habere partes  
 contenderit, cum autem, qua ratione,  
 id impetrare posset, admodum dubia  
 hæreret, tandem sese Guisii Principi-  
 bus adjungebat, ut ipsorum opera sibi  
 Regni administrationem vendicaret, li-  
 cet ea ad Navarræ Regem, & Condeum  
 Principem ejus fratrem utpote proximos  
 Regii Sanguinis hæredes jure devol-  
 venda esset: ab illo igitur temporis ar-  
 ticulo Regina sese Connestabili infen-  
 sam declarabat, non modo ea ex causa,  
 quod privati in eum odii rationes sibi  
 suppetere arbitraretur, sed potissimum  
 id faciebat, ut Guisios æmulos suos a  
 Regni administratione arcere, eamque  
 ad Regiæ stirpis Principes devolvere  
 hac ratione posset. Enimvero prudens  
 ille seniculus, cum per Regis obitum  
 ingentes in regno tumultus suscitari præ-  
 nosset, eadem, qua Henricus erat vul-  
 neratus, die Navarræ Regi perscripse-  
 rat, ut quantocius ad Aulam propera-  
 ret, ac Regiminis curam in se suscipe-  
 ret, cum ipsum regimen obeunte Rege  
 ad illum devolveretur. Attamen hic  
 Princeps, cum ad magna molimina ei  
 animus deesset, ex Bearnia quidem  
 discessit,



discessit, Vindocini tamen moram adeo longam traxit, ut Guisii absentiam illius in rem suam verterent, ac ipse aulam accedens indignum in modum recipere-  
tur; quippe nec quidem pro dignitatis suæ ratione habitaculum ei assignaba-  
tur, atque vix Regis conspectum subi-  
ens mox ab eo percipere coactus erat, quod Regni sui administrationem jam-  
jam Avunculis suis Guisiis Principibus commisisset, & quidem Guisio Duci to-  
tius exercitus sui Imperium, ac rei bel-  
licæ curam tradidisset, Lotharingium  
autem Cardinalem ejus fratrem secre-  
toris consilii Ministrum creasset. Insu-  
per amoto Cardinale Bertrando Pro-  
Cancellarii dignitas Caliverio singu-  
laris meriti, raræque probitatis viro rur-  
sus conferebatur; nam olim hoc munus  
Valentina Ducissa eidem auferri præce-  
perat.

## §. CXXVI.

*Montmorentius Connestabilis, & Va-  
lentina Ducissa Regina exosa.*

Cum ergo Connestabilis Montmoren-  
tius Reginam Matrem cum Guisiis  
tam arcta amicitia conjunctam cerneret,  
inde plurimum territus suam ruinam fo-  
re proximam haud obscure prælagiebat;  
quippe omnes illi, qui ei quovis neces-  
situdinis vinculo juncti erant, ab aula

Sæcul. XVI.  
A.C. 1559.

*La Popelin.*

*l. 5.*

*Mezerai*

*abreg. chron.*

*dans la vie de*

*Francois II.*

*t. 5. p. 8.*